


Sultan e Tamazi

Nov disc cumpact da la retscha Top Kids

■ (rtr) Far nagut, l'entir di. Quai tuna gea stupent! Quai è l'opiniun ed il mingadi dal Sultan. Ma adina far nagut sa er esser enorm lungurus. Perquai sa legra il Sultan da ses nov servient Tamazi. Il 22avel Top Kids da Radiotelevisiun Svizra Rumantscha (RTR) e da la Lia Rumantscha (LR) raquinta l'istorgia da «Sultan e Tamazi».

Per fortuna è Tamazi in servient in pau tabalori e smarschun. Uschia èsi main lungurus per il Sultan. Enstagl da laschar giu bufatg il Sultan sin sia pluna plimatschs lascha Tamazi adina puspè dar la suga da la crana, uschia ch'il Sultan dat giu sin ses tgil. Ed adina servir si ses patrun na chatta el era betg il hit. «Ti



tamazi!» cloma il Sultan perquai adina puspè e sa legra adascus ch'i capita finalmain insatge. L'entira istorgia da «Sultan e Tamazi» cumpara ussa per rumantsch grischun sin il disc cumpact «Top Kids vol. 22».

L'istorgia «Sultan e Tamazi» vegn preschentada a chaschun da la festa d'uffants che ha lieu ils 18 e 19 da fanadur a Laax.

Il disc cumpact pon ins cumprar per 19.50 francs tar:
Radiotelevisiun Svizra Rumantscha, 081 255 75 75, www.minisguard.rtr.ch
Lia Rumantscha, Cuir, 081 258 32 22, www.liarumantscha.ch
tut las librerias che vendan products rumantschs

Il frontispizi dal nov dc da la retscha Top Kids.